

永興縣志卷五

知永興縣事呂鳳藻主修

形勢志

孟子謂固國不以山谿之險蓋以無形之勝勝於有形也然而建瓴阨吭地利之所資又豈少哉所以自古作邑未有不景山觀泉而相其陰陽者况秀麗之觀奇關之境自天作之不惟阨塞保障足固吾圉而騷客名流亦於茲選勝焉十景附

氣雄南極勢壓三湘安陵縣碑

永興縣志卷之五

形勢

地多崇山窪谷引衡嶽而帶九疑控阨交廣襟

帶湖湘山多土沃灘高瀧猛王令引古志

衡山之南八九百里地益高山益峻水清而益

駛韓文治臨便江一水清駛灘高水淺巨艘難容

水艇往來亦通利濟州志

水遠而清山峻而明實據其勝李永敷引儒學記

南直交廣之衝西引衡嶽之麓北帶茶攸之壤

東連吉憲之雄正德志

山攢四壁水匯眾流天啟志

地分嶺半城跨山椒水闌森口陸阨安陵據衡

湘之上游實郴陽之門戶呂志

水襟帶湖湘山控扼交廣總六城之門戶領三

楚之屏藩州志

附十景

文筆千尋

在縣西南十里為學宮朝向湛與家稱文明之盛當應於此

洪濤八尺

在縣西觀音巖下流志險也

碧潭起霧

在縣西

瀑水生花

在縣東十里州志誤為白豹水則去縣八十里非近城景矣

森口客舟

在縣西十五里恤商旅也

卧江獅石

在縣西十里觀音巖下

永興縣志

卷之五

形勢

飛鷺懸砦

在縣南隔江有彭相公修砦碑

天馬行空

在縣西隔江面學宮

石屏擁翠

在縣西觀音巖下西岸

龍耳生煙

在縣西二十里相傳煙生即雨重農事者不敢忘

舊志載有潘園仙韭紫井香泉山麓壽碑似非景類且各詳見山川古蹟今俱從逸增入龍耳生烟共為十景永邑名勝固多未經歷覽不敢妄載留以俟後之君子續志可也按上說出王

志今仍之其中摘有四景當顧名思義者呂志加注

南塔

道光五年修在打鼓嶺按該山舊為寶塔嶺不知建自何年圮自何時尚有舊址存焉後

仍其地而易其規筆勢巍巍凌霄插漢每登絕頂輒有高瞻遠矚俯視一切之概豈非便水偉觀歟同治甲戌年風水家

有言不利文風故折之